



Møteprotokoll for Formannskapet

Møtedato: 21.11.2018
Møtestad: Osterøy rådhus - heradsstyresalen
Møtetid: kl. 13.00 – kl. 18.20

Frammøtte medlemmer	Parti	Rolle
Jarle Skeidsvoll	KRF	Ordfører
Mortensen, Alf Terje	FRP	Varaordfører
Berit Moslett Borge	H	Medlem
Johannes Haugland	SP	Medlem
Jon Flydal Blichfeldt	MDG	Medlem
Kjersti Ingolvsdotter Vevatne	V	Medlem
Hildegunn Mo	FRP	Medlem
Johannes Bysheim	AP	Medlem
Rita Aud Tveiten	AP	Medlem

Følgjande frå administrasjonen møtte: Rådmannen, økonomisjefen og utvalssekretæren

Sakliste

Saknr	Tittel
116/18	Godkjenning av innkalling og sakliste
117/18	Godkjenning av møtebok
118/18	Referatsaker og meldingar
119/18	Budsjett 2019 - framlegg til drifts og investeringsbudsjett
120/18	Ekstraordinær generalforsamling i Opro AS - framlegg til vedtektsendringar
121/18	Kommunen sitt ansvar for tilsyn med sal av tobakksvarer - innføring av årleg gebyr – ettersend sak

116/18: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

21.11.2018 FORMANNSKAPET

Kjersti Vevatne, V, gjorde merksam på lydopptak i møtet.
Det var elles ikkje merknader til innkalling og saksliste.

FS - 116/18 VEDTAK:

Innkalling og sakliste vert godkjent.

117/18: Godkjenning av møtebok

Rådmannen sitt framlegg:

Møteprotokoll frå 07.11.18 vert godkjend.

21.11.2018 FORMANNSKAPET

Det var ikkje merknader til utsend møteprotokoll frå 07.11.18.

FS - 117/18 VEDTAK:

Møteprotokoll frå 07.11.18 vert godkjend.

118/18: Referatsaker og meldingar

Rådmannen sitt framlegg:

"Referatsakene vert tekne til vitande."

21.11.2018 FORMANNSKAPET

AVRØYSTING

Rådmannen sitt framlegg vart samrøystes vedteke.

FS - 118/18 VEDTAK:

"Referatsakene vert tekne til vitande."

119/18: Budsjett 2019 - framlegg til drifts og investeringsbudsjett

Rådmannen sitt framlegg:

Rådmannen sitt framlegg til vedtak:

«Budsjett for 2019 med investeringsplan 2019 til 2022 vert vedteke på grunnlag av rådmannen si saksutgreiing til formannskapet inkl budsjettdokument og hovudoversikter, og med slike driftsrammer for 2018:

Midlar til fordeling (frå 1A)	446 645
Rådmannen/stabsseksjonar	40 580
IKTNH *	5 400
Oppvekst, undervisning og kultur	192 735
Helse, omsorg og sosial	182 858
Sanfunnsutvikling (teknisk drift, plan, teknisk forvantning, brann og redning)	47 872
Sjølvkostområda (gebyrfinansiert)	-8 600
Sum rammeområda inkl. sjølvkost	460 845
Sentrale postar	-24 200
Lønsreserve	10 000

Sum skjema 1B

446 648

Meir-/mindreforbruk

0

* Dette er mva-utgift. Den motsvarast av tilsvarande inntekt (mva-kompensasjon) på Sentrale postar.

1. **Alle kommunale avgifter, gebyr, betalingssatsar og vederlag vert auka med 3 % frå 01.01.19 med mindre anna er nemnd særskild i budsjettpremissane, dette vedtaket eller andre reglar som fylgjer av lov eller føresegn.**
2. **Føresegner for tømning av slamavskiljarar, tette tankar m.v. for Osterøy kommune vert, i medhald av Lov av 13.03.1981 nr. 6 om vern mot forureining og om avfall(Forureinsingslova) § 26, 3. ledd, § 30, 2. og 3. ledd og §34, endra i tråd med vedlagde framlegg datert 13.11.2018, gjeldande frå 01.01.2019.**
3. **Med verknad frå 01.01.2019 vert gebyr- og avgiftssatsane innan dei tekniske tenestene vatn, avlaup, slam, og feiing (sjølvkost) endra/fastsett i tråd med vedlagte dokument: «Framlegg til gebyr Tekniske tenester 2019»**
4. **Gebyrsatsane for tekniske forvaltningstenester vert endra/fastsett frå 1.1.19 i tråd med vedlagte dokument: «Gebyrregulativ 2019 Plan-teknisk forvaltning - framlegg».**
5. **Renovasjonsgebyr.**
 - a. **Osterøy kommune vedtek at BIR Privat AS får delegert fullmakt til fakturering og innkrevjing av avfallsgebyret på vegne av Osterøy kommune, jfr § 12 i Forskrift om handtering av avfall frå hushaldning.**
 - b. **Prisen på renovasjonstenesta for 2019 vert sett ned med 0,5 %, med unntak av eigendelen for levering til gjenvinningsstasjonane og einskilde tenester utanfor standard renovasjon. Desse vert uendra. Kommunal påslag vert sett til kr 12.**
 - c. **Osterøy kommune vedtek avfallsgebyr i tråd med vedlagte prismatrise i dokumentet: Renovasjonsgebyr Osterøy kommune 2018.**
6. **Satsane for foreldrebetaling i barnehage vert halde i samsvar med statlege føringar i statsbudsjettet (maksimalpris).**

Betalingssatsane for Skulefritidsordning (SFO) vert slik:

- | | |
|----------------------------|-------------------|
| a. Mindre enn 9 timar veke | kr.1 395 (uendra) |
| b. 9-15 timar veke | kr.1 695 (uendra) |
| c. Meir enn 15 timar veke | kr.1 995 (uendra) |
7. Brukarbetaling for kulturskulen vert sett til kr 4 300 pr år (uendra).
8. Fribeløp og eigendelar for kommunale helse- og omsorgstenester vert fastsett i samsvar med I-rundskriv for 2019 frå helse- og omsorgsdepartementet.
9. Husleige i kommunale bygg for løpande avtalar vert auka tilsvarande endringa i konsumprisindeks sidan siste regulering, så langt anna ikkje følgjer av tidlegare vedtak i heradsstyret eller lov/føresegn. Ved inngåing av nye leigeavtalar vert husleiga tilpassa marknadspris.
10. Låneopptak (nye lån) til finansiering av investeringsprosjekt budsjetttert i 2019 vert kr 70,4 millionar, herav sjølvkostlån kr 23,4 millionar.
11. Låneopptak til formidlingslån (Husbanken) vert sett til kr 8 millionar.
12. Heradsstyret vedtek gjeldande låneportefølje for Osterøy kommune som følgjer som vedlegg til saka. Rådmannen står fritt til å betale budsjetterte avdrag på dei låna rådmannen finn det føremålstenleg, uavhengig av opprinneleg vedtak.
13. Eigedomsskatt vert vidareført på alle eigedomar i Osterøy kommune for 2019.
- a. Eigedomsskattesatsen vert sett til 7 promille (lova sin maksimalsats).
 - b. Eigedomsskattesatsen for bustad- og fritidseigedomar vert sett til 4,15 promille, jfr. eigedomsskattelova paragraf 12 bokstav a.
 - c. Botnfrådrag for bustaddelen på eigedomar vert sett til kr 0.
- d. Det vert nytta formuesverdiar frå Skatteetaten som grunnlag for eigedomsskattegrunnlaget for bustadeigedomar der slike verdiar ligg føre
- e. Klagenemnda for eigedomsskatt får kompetanse til å handsama klager etter paragraf 19 i eigedomsskattelova, jfr. paragraf 20 i eigedomsskattelova.
14. Saker som kan medføre endring av dei vedtekne budsjettrammene skal leggjast fram for formannskap/heradsstyre til avgjerd før tiltak vert sett i verk.
15. Rådmannen har framleis fullmakt til å gjera unntak i særskilde høve. I slike høve skal formannskapet/heradsstyret snarast orienterast om dette.
16. Budsjettoverskridingar skal dekkast innan eige budsjettområde.

17. Budsjetttramma til Kyrkjeleg Fellesråd vert sett til kr 5,4 millionar inkl kommunal tenesteyting.»

21.11.2018 FORMANNSKAPET

Økonomisjefen møtte i saka. Sektorleiar helse, omsorg og sosial møtte for å svara på spørsmål kring foreslåtte innsparingstiltak.

Følgjande dokument vart delte ut til møtet:

FAU og SU ved Osterøy ungdomsskule - innspel til skulebudsjettet

Osterøy Fysioterapi DA - uttale til budsjettframlegget

Det vart halde pause i drøftingane frå kl. 15.20 - kl. 15.30 med gruppemøte for AP og V og for FRP.

Det vart halde pause i drøftingane frå kl. 15.30 - kl. 15.40 med gruppemøte for FRP, MDG, H og AP

Kjersti Vevatne, V, gjorde slikt framlegg på vegner av V, KRF, AP, H, KRF og SP: "Formannskapet legg rådmannen sitt driftsbudsjett til grunn, med desse endringane.:

Midlar vert teke frå disposisjonsfondet, og fordelt slik:

Kjøken på Osterøytunet: 725.000,-

Driftstilskot til fysioterapi 181.000,-

Vikarar barnehage 500.000,-

Båtrute i Osterfjorden 276.250,-

Når det gjeld budsjettet sine konsekvensar for Helse og omsorg, viser Formannskapet til forslag til tiltak i investeringsbudsjettet, knytt til etablering av omsorg+. Dette er i samsvar med plan for endring i omsorgssektoren."

Ordføraren gjorde slikt fellesframlegg: "Det vert løyvd inntil 5 millionar kroner over ein periode på tre år (frå 2019) til etablering av arena for næringsutvikling. Midlar vert henta frå tidlegare avsetning til nærings- og utviklingsfond (H-sak 058/18).

Som del av denne ramma skal det etablerast og driftast ein frivilligsentral.

Tiltaka er tenkt samlokalisert i bankbygget i Lonevåg.

Det vert sett ned ein komite for snarleg å setja rammer tiltaket. Komiteen skal vera samansett av representantar frå adminstrasjonen og formannskapet.

Tiltaka skal evaluerast etter 2 år."

Alf T. Mortensen, FRP, gjorde slikt framlegg: "Rådmannen sitt framlegg til budsjett vert vedteke som framlagt, med følgjande endringar.

-avdeling og kjøkkendrifta på sjukeheimen vert oppretthalde. Fysioterapiheimel vert og oppretthalde som idag (181000). Inndekning til dette vert som generelt nedrekk i sektoren.

Eigedomsskatten vert som idag. Differansen i rådmannen sitt framlegg vert å dekke med fondsmidlar. Den kommunale drifta må nedjusterast tilsvarende gjennom driftsåret 2019, slik at det ikkje vert naudsynt å nytte fondsmidlar eller eigedomsskatt over 3,15 promille i året 2020. Ytterlegare endringar kan komme."

Investeringsbudsjettet:

Ordføraren, gjorde slikt fellesframlegg: "Det vert sett av kr 2 mill. til infrastrukturutbygging."

Verbalforslag

Ordføraren gjorde slikt framlegg: "Klima og miljøtiltak:

1. *Kjeldesortering*: Osterøy kommune innfører kjeldesortering i heile si verksemd innanfor tilbodet av fraksjonar til vår avtalepart, BIR Bedrift. Eksempel på fraksjonar er papir, plast, metall, glas, batteri, m.fl. Det skal og på sikt leggjast til rette god handtering av biologisk avfall (t.d. gjennom kompostering).

2. *Medlemskap, Klimapartner*:

Klimapartner er eit nettverk av verksemder og kommunar – som gjennom målretta og praktisk arbeid inspirerar, utfordrar og gjev råd om korleis kommunane kan gjera gode prioriteringar og val i eiga verksemd. Osterøy har vore invitert «observatør» siste året (ordføraren) og er invitert, saman med Os og Voss å vera med som nye medlem i 2019 (frå før er Hordaland fylkeskommune og Bergen kommune medlem i nettverket)."

3. *Kommunale kjøretøy*:

Alle nye kjøretøy i kommunen skal vera nullutslepp. Om det kan sannsynleggjerast at bruk av nullutslepp-kjøretøy aukar negative konsekvensar for helse og tryggleik i samband med løysing av kommunale oppgåver / oppdrag, skal fossile kjøretøy vurderast. Det skal leggjast til rette for ein ladeinfrastruktur som sikrar tenleg bruk av kommunale nullutslepp kjøretøy.

AVRØYSTING - driftsbudsjettet

Alternativ avrøysting

Fellesframlegget frå V/KRF/AP/MDG/H/SP	-	7 røyster (1V/1KRF,2AP,1MDG,1H,1SP)
Alf T. Mortensen sitt framlegg	-	2 røyster (2FRP)

Fellesframlegg utviklingsarena	-	samrøystes tilrådd
--------------------------------	---	--------------------

Investeringsbudsjettet

Fellesframlegg infrastruktur	-	samrøystes tilrådd
------------------------------	---	--------------------

Verbalframlegg

Verbalframlegg kommunale bilar	-	tilrådd med 7 røyster 1KRF,2AP,1MDG,1H,1SP,1V) mot 2 røyster (2FRP)
Verbalframlegg kjeldesortering	-	samrøystes tilrådd
Verbalframlegg medlemskap	-	samrøystes tilrådd

FS - 119/18 VEDTAK:

Innstilling til vedtak i heradsstyret:

"Formannskapet legg rådmannen sitt framlegg til driftsbudsjett til grunn, med desse endringane.:

Midlar vert teke frå disposisjonsfondet, og fordelt slik:

**Kjøken på Osterøytunet: 725.000,-
Driftstilskot til fysioterapi 181.000,-
Vikarar barnehage 500.000,-
Båtrute i Osterfjorden 276.250,-**

Når det gjeld budsjettet sine konsekvensar for Helse og omsorg, viser Formannskapet til forslag til tiltak i investeringsbudsjettet, knytt til etablering av omsorg+. Dette er i samsvar med plan for endring i omsorgssektoren.

Det vert løyvd inntil 5 millionar kroner over ein periode på tre år (frå 2019) til etablering av arena for næringsutvikling. Midlar vert henta frå tidlegare avsetning til nærings- og utviklingsfond (H-sak 058/18).

Som del av denne ramma skal det etablerast og driftast ein frivilligsentral.

Tiltaka er tenkt samlokalisert i bankbygget i Lonevåg.

Det vert sett ned ein komite for snarleg å setja rammer tiltaket. Komiteen skal vera samansett av representantar frå adminstrasjonen og formannskapet.

Tiltaka skal evaluerast etter 2 år.

Investeringsbudsjettet tillegg til rådmannen sitt framlegg

Det vert sett av kr 2 mill. til infrastrukturutbygging."

Verbalframlegg:

"Klima og miljøtiltak:

1. Kjeldesortering: Osterøy kommune innfører kjeldesortering i heile si verksemd innanfor tilbodet av fraksjonar til vår avtalepart, BIR Bedrift. Eksempel på fraksjonar er papir, plast, metall, glas, batteri, m.fl. Det skal og på sikt leggjast til rette god handtering av biologisk avfall (t.d. gjennom kompostering).

2. Medlemskap, Klimapartner:

Klimapartner er eit nettverk av verksemdar og kommunar – som gjennom målretta og praktisk arbeid inspirerar, utfordrar og gjev råd om korleis kommunane kan gjera gode prioriteringar og val

i eiga verksem. Osterøy har vore invitert «observatør» siste året (ordføraren) og er invitert, saman med Os og Voss å vera med som nye medlem i 2019 (frå før er Hordaland fylkeskommune og Bergen kommune medlem i nettverket).

3. Kommunale kjøretøy:

Alle nye kjøretøy i kommunen skal vera nullutslepp. Om det kan sannsynleggjerast at bruk av nullutslepp-kjøretøy aukar negative konsekvensar for helse og tryggleik i samband med løysing av kommunale oppgåver / oppdrag, skal fossile kjøretøy vurderast. Det skal leggjast til rette for ein ladeinfrastruktur som sikrar tenleg bruk av kommunale nullutslepp kjøretøy."

120/18: Ekstraordinær generalforsamling i Opro AS - framlegg til vedtektsendringar

Rådmannen sitt framlegg:

Rådmannen sitt framlegg til vedtak:

«Rådmannen gjer ikkje framlegg til vedtak i saka.»

21.11.2018 FORMANNSKAPET

Framlegg om vedtektsendringar vart teke til orientering.

FS - 120/18 VEDTAK:

Det vart ikkje gjort vedtak i saka.

121/18: Kommunen sitt ansvar for tilsyn med sal av tobakkssvarer - innføring av årleg gebyr

Rådmannen sitt framlegg:

Rådmannen sitt framlegg til vedtak:

«Det vert i medhald av Tobakksskadelova, § 10, jfr. Tobakkssalsforskrifta § 24, fastsett slike satsar for tilsynsavgift for utsalsstader for tobakkssvarer og tobakkssurrogat til forbrukar: Årleg avgift kr 3500,- og for mellombels salsstad: kr 600,- med verknad frå 2019.

Avgiftssatsane vert justerte kvart år i tråd med sentralt fastsette satsar.»

21.11.2018 FORMANNSKAPET

Alf T. Mortensen, FRP, gjorde slikt framlegg: "Rådmannen sitt framlegg vert vedteke med følgande endring: beløpet for faste salsstader vert sett til kr 3000 kr."

AVRØYSTING

Alternativ avrøysting

Rådmannen sitt framlegg	- 7 røyster (1KRF,2AP,1MDG,1H,1SP,1V)
Alf T. Mortensens sitt framlegg	- 2 røyster (2FRP)

FS - 121/18 VEDTAK:

Innstilling til heradsstyret:

«Det vert i medhald av Tobakksskadelova, § 10, jfr. Tobakkssalsforskrifta § 24, fastsett slike satsar for tilsynsavgift for utsalsstader for tobakksvarer og tobakkssurrogat til forbrukar: Årleg avgift kr 3500,- og for mellombels salsstad: kr 600,- med verknad frå 2019.

Avgiftssatsane vert justerte kvart år i tråd med sentralt fastsette satsar.»

Andre saker/spørsmål

I starten av møtet orienterte ordføraren kort om

- Møte med BIR, Hauge
- Frukostmøte om kunnskaps- og kompetansebehov i Nordhordland
- Møte med Politimeisteren, Vest politidistrikt
- Møte om båtruta i Osterfjorden
- Møte med Hordalandsbenken

Det vart ikkje gjort vedtak i tilknytning til orienteringane.

Fartsgrense FV 359 Haus

Kjersti Vevatne, V, gjorde slikt framlegg: «Med grunnlag i nye fartsgrensekriterier av oktober 2018 ber Osterøy kommune om at Statens Vegvesen gjer ei ny vurdering av fartsgrense på fv. 359 Mjeldalen, langs Mjeldavågen. Av omsyn til mjuke trafikantar ønskjer Osterøy kommune at fartsgrensa vert sett ned.»

AVRØYSTING - ta saka opp

Ja - samrøystes

AVRØYSTING

Kjersti Vevatne sitt framlegg - samrøystes vedteke.

Til å skriva under møteprotokollen saman med ordføraren vart desse valde: Kjersti Vevatne og Johannes Haugland

Lonevåg, 22.11.18

Bente Skjerping

Utvalssekretær

Jarle Skeidsvoll
ordfører

Kjersti Vevatne

Johannes Haugland